

Concello	Código centro	Centro	Código ciclo	Ciclo	Código módulo	Módulos
Vilagarcía de Arousa	36013771	IES Fermín Bouza Brey	ZM09001	Equipos electrónicos de consumo	CM0122	Calidade
					CM0124	Electrónica dixital e microprogramable
					CM0125	Electrónica xeral
					CM0127	Equipos de son
					CM0128	Equipos microinformáticos e terminais de telecomunicación
					CM0132	Instalacións básicas
	CM0138	Sistemas electrónicos de información				
	36019669	IES Armando Cotarelo Valledor	ZM04001	Xestión administrativa	CM0064	Contabilidade xeral e tesouraría
					CM0067	Produtos e servizos financeiros e de seguros básicos
					CM0068	Xestión administrativa de compravenda
					CM0069	Xestión administrativa de persoal
			ZS14002	Administración de sistemas informáticos	CS0304	Desenvolvemento de funcións no sistema informático
					CS0312	Proxecto integrado
CS0316					Sistemas xestores de base de datos	

Resolución do 17 de xuño de 2009, da Dirección Xeral de Educación, Formación Profesional e Innovación Educativa, pola que se regulan as probas libres para a obtención do título de graduado en educación secundaria obrigatoria para o alumnado con 18 anos cumpridos cun máximo de cinco materias da etapa non superadas.

O Decreto 133/2007, do 15 de xullo, polo que se regulan as ensinanzas da educación secundaria obrigatoria na Comunidade Autónoma de Galicia, establece no seu artigo 2.º que esta etapa comprende catro cursos académicos, que se seguirán ordinariamente entre os doce e os dezaseis anos. No punto 4º do mesmo artigo establece que o alumnado terá dereito, con carácter xeral, a permanecer escolarizado en réxime ordinario cursando esta etapa educativa ata os 18 anos cumpridos no ano en que finalice o curso académico.

Así mesmo, o artigo 17 do citado decreto establece as condicións que deben darse para que o alumnado obteña o título de graduado en educación secundaria obrigatoria. O punto 5º do devandito artigo determina que o alumnado con dezaioito anos cumpridos que non obtivese o título de graduado en educación secundaria obrigatoria e non teña avaliación negativa en máis de cinco materias disporá, durante os dous anos inmediatamente seguintes ao final da súa escolarización, dunha convocatoria anual de probas para superar as materias pendentes de avaliación positiva.

A Orde do 21 de decembro de 2007 pola que se regula a avaliación na educación secundaria obrigatoria na Comunidade Autónoma de Galicia, no seu artigo 7.5º, recolle os mesmos termos que o decreto anteriormente mencionado, así como que esta convocatoria terá lugar no mes de xuño e que será

incompatible con estar cursando as ensinanzas para persoas adultas ou coa presentación ás probas libres para obter o título de graduado en educación secundaria obrigatoria previstas na Lei orgánica de educación.

Esta resolución regula as condicións en que deben realizarse as probas anuais para que o alumnado previsto no artigo 17.5º do citado Decreto 133/2007, do 15 de xullo, poda obter o título de graduado en educación secundaria obrigatoria.

Por todo iso, e en virtude das facultades que confire a disposición derradeira primeira da Orde do 21 de decembro de 2007, a Dirección Xeral de Educación, Formación Profesional e Innovación Educativa

DISPÓN:

Primeiro.-Obxecto e ámbito de aplicación.

1. Esta resolución ten por obxecto regular a convocatoria das probas anuais para obter o título de graduado en educación secundaria obrigatoria para o alumnado que conte cun máximo de cinco materias da etapa pendentes de cualificación positiva.

2. Esta resolución será de aplicación en todos os centros docentes do ámbito de xestión da Consellería de Educación e Ordenación Universitaria.

Segundo.-Requisitos para acceder ás probas.

Poderá acceder a estas probas o alumnado que tras finalizar a educación secundaria obrigatoria non obteña o título correspondente e reúna os seguintes requisitos:

a) Ter dezaioito anos.

b) Non acumular máis de cinco materias pendentes de cualificación positiva para obter o título.

c) Que non transcorresen máis de dous anos desde a finalización da educación secundaria obrigatoria no momento da presentación da solicitude de participación nas probas.

Terceiro.-Lugar de celebración das probas.

1. O alumnado que opte a estas probas realizará os exames no último centro onde estivese matriculado en cuarto curso da etapa ou no último ano do programa de diversificación curricular.

2. Excepcionalmente, o alumnado que no momento da inscrición cambiase de residencia realizará as probas no centro que determine para ese efecto o Servizo Provincial de Inspección Educativa.

Cuarto.-Solicitudes e calendario da convocatoria.

1. O alumnado a que alude a disposición terceira, punto 1, solicitará a admisión ás probas mediante o modelo establecido no anexo I durante a segunda quincena do mes de abril.

2. No caso do alumnado con cambio de residencia, a que fai referencia a disposición terceira, punto 2, a solicitude presentarase no departamento territorial da Consellería de Educación e Ordenación Universitaria da provincia onde resida mediante o modelo establecido no anexo II, presentando certificado de empadramento e fotocopia compulsada do seu historial académico. A designación do instituto de educación secundaria máis próximo ao lugar de residencia do alumno onde se realizarán as probas será comunicada ao alumno e ao centro afectado nos primeiros días hábiles do mes de maio.

3. Os centros farán públicos os nomes dos solicitantes e as materias obxecto da proba, así como o horario destas, antes de finalizar a primeira quincena do mes de maio.

4. As probas celebraranse na primeira quincena do mes de xuño.

Quinto.-Contido e desenvolvemento das probas.

1. A proba constará de tantos exercicios como materias pendentes de cualificación positiva sexan obxecto de avaliación. Cada exercicio terá unha duración máxima de 90 minutos, cun intervalo de 30 minutos entre dous exercicios. No caso de ter que realizar máis de tres exercicios, levaranse a cabo polo menos en dous días.

2. Os exercicios terán en conta os diferentes elementos que constitúen o currículo establecido para a educación secundaria obrigatoria.

3. Os exercicios serán elaborados, aplicados e corrixidos polo departamento didáctico correspon-

dente e, en ausencia deste, polo profesorado designado polo director do centro onde se realice a proba.

4. No caso de que se teña que realizar a proba dunha materia non ofertada polo centro, a dirección deste designará o profesorado que deberá responsabilizarse dela.

5. No caso de que o alumnado cursase un programa de diversificación curricular, existirán probas independentes e diferenciadas para avaliar os ámbitos do terceiro e cuarto curso do devandito programa.

Sexto.-Avaliación e reclamacións.

1. A avaliación de cada materia será realizada polo xefe de departamento ou polo profesor ou profesora designado pola dirección do centro tomando como referencia os criterios de avaliación de cada unha das materias, recollidos no Decreto 133/2007, polo que se establece o currículo e se regula a ordenación da educación secundaria obrigatoria na Comunidade Autónoma de Galicia. No caso de materias optativas que non estean incluídas no proxecto educativo do centro, estes criterios deberán ser solicitados ao centro de orixe do alumno.

2. A cualificación das probas expresarase nos termos que establece o artigo 3.2º da Orde do 21 de decembro de 2007 pola que se regula a avaliación na educación secundaria obrigatoria na Comunidade Autónoma de Galicia.

3. As cualificacións obtidas nas distintas materias reflectiranse na correspondente acta de avaliación de acordo co modelo que figura no anexo III. Nela amosarase a relación das alumnas e alumnos participantes nas probas coas cualificacións obtidas nas diferentes materias e a proposta ou non de expedición do título de graduado en educación secundaria obrigatoria. Se un alumno non se presentase á proba dalgunha materia, reflectirase como non presentado (NP), o que terá, para todos os efectos, a consideración de cualificación negativa.

4. As actas de avaliación serán publicadas no taboleiro de anuncios do centro, no prazo de sete días desde a realización das probas. Ademais, os centros deberán sinalar o procedemento mediante o cal o alumnado poderá solicitar aclaracións do profesorado encargado de cada materia e, se é o caso, para formular as oportunas reclamacións sobre as cualificacións obtidas, de acordo co que dispoña a normativa vixente.

Sétimo.-Proposta de expedición do título.

1. Unha vez realizadas as probas, os xefes dos departamentos didácticos ou, de ser o caso, o profesorado designado, reuniranse en sesión de avaliación, presidida polo director ou directora, para tomar as decisións que procedan sobre a proposta de

titulación, de acordo coas condicións establecidas na citada Orde do 21 de decembro de 2007.

2. A proposta de expedición do título de graduado en educación secundaria obrigatoria será realizada de oficio en cada convocatoria polo centro onde se realicen as probas para o alumnado que sexa proposto para a súa obtención.

Disposicións transitorias
Alumnado que finalizou a etapa nos cursos académicos 2006-2007 e 2007-2008

Primeira.-Ao alumnado que finalizase a súa escolarización en educación secundaria obrigatoria nos anos académicos 2006-2007 e 2007-2008 e acceda á realización das probas nas convocatorias do 2009 e 2010 seranlle de aplicación os obxectivos, contidos e criterios de avaliación para cada materia recollidos no Decreto 78/1993, do 23 de febreiro, polo que se establece o currículo da educación secundaria obrigatoria para a Comunidade Autónoma de

Galicia ou na normativa correspondente para as materias optativas, Orde do 1 de febreiro de 1995 e Orde do 30 de abril de 1996.

Segunda.-Excepcionalmente, as probas correspondentes ao ano 2009 serán realizadas na primeira semana do mes de setembro de 2009, coincidindo co calendario da convocatoria extraordinaria do curso 2008-2009. O prazo de solicitude de admisión a estas probas será do 1 ao 15 de xullo.

Disposición derradeira

Única.-*Entrada en vigor.*

Esta resolución entrará en vigor o día seguinte ao da súa publicación no *Diario Oficial de Galicia*.

Santiago de Compostela, 17 de xuño de 2009.

José Luis Mira Lema
Director xeral de Educación, Formación Profesional e Innovación educativa



ANEXO I

Solicitude de inscrición na convocatoria anual de probas para a obtención do título de graduado en educación secundaria obrigatoria

1. DATOS PERSOAIS

PRIMEIRO APELIDO:	
SEGUNDO APELIDO:	
NOME:	
DNI/PASAPORTE/OUTROS:	DATA DE NACEMENTO: _/ _/ _
TELÉFONO DE CONTACTO (1):	TELÉFONO DE CONTACTO (2):
ENDEREZO:	CÓDIGO POSTAL:
LOCALIDADE:	PROVINCIA/PAÍS:

2. MATERIAS OU ÁMBITOS CON AVALIACIÓN NEGATIVA

SI NON Presentouse a convocatoria do ano anterior.

DECLARA: Que estivo matriculado nese centro no curso ____-____ e son certos os datos reflectidos nesta solicitude da inscrición, polo que

SOLICITA tomar parte na convocatoria anual de probas para a obtención do título de graduado en educación secundaria obrigatoria

_____, ____ de ____ de 20____
(Selo do centro) (Sinatura)

ANEXO II

Solicitud de inscripción no centro máis próximo na convocatoria anual de probas para a obtención do título de graduado en educación secundaria obrigatoria

1. DATOS PERSOAIS

PRIMEIRO APELLIDO:		
SEGUNDO APELLIDO:		
NOME:		
DNI/PASAPORTE/OUTROS:	DATA DE NACEMENTO:	___/___/___
TELEFONO DE CONTACTO (1):	TELEFONO DE CONTACTO (2):	
ENDERZO:	CÓDIGO POSTAL:	
LOCALIDADE:	PROVINCIA/PAÍS:	

2. ÚLTIMO CENTRO EN QUE ESTIVO MATRICULADO NA ETAPA

CENTRO:	CURSO:
DOMICILIO:	CÓDIGO POSTAL:
LOCALIDADE:	PROVINCIA/PAÍS:

3. MATERIAS OU ÁMBITOS CON AVALIACIÓN NEGATIVA

4. DOCUMENTACIÓN QUE SE XUNTA

<input type="checkbox"/>	Certificado de empadramento
<input type="checkbox"/>	Fotocopia compulsada do historial académico

SI NON Presentouse a convocatoria do ano anterior.

DECLARA: Que son certos os datos reflectidos nesta solicitude de inserción, polo que SOLICITA tomar parte na convocatoria anual de probas para a obtención do título de graduado en educación secundaria obrigatoria

(Selo) _____ de _____ de 20____ (Sinatura)

Departamento Territorial de Educación e Ordenación Universitaria de: _____

ANEXO III

Acta de avaliación da convocatoria anual de probas para a obtención do título de graduado en educación secundaria obrigatoria

CENTRO:	CÓDIGO DO CENTRO:
ENDERZO:	CP:
LOCALIDADE:	PROVINCIA/PAÍS:

Qualificacións obtidas polo alumnado nas distintas materias

Nº de orde	RELACIÓN ALFABÉTICA DO ALUMNADO	MATERIAS E ÁMBITOS	CUALIFICACIÓN	Proposta de título (si/non)
	Apelidos e nome			

Xefe de departamento/profesor encargado de _____	Xefe de departamento/profesor encargado de _____	Xefe de departamento/profesor encargado de _____
Asdo.	Asdo.	Asdo.
Xefe de departamento/profesor encargado de _____	Xefe de departamento/profesor encargado de _____	Xefe de departamento/profesor encargado de _____
Asdo.	Asdo.	Asdo.

Observacións:

O secretario/A secretaria Visto e prace
O director/A directora

Asdo.: _____ (selo do centro) Asdo.: _____